

FILOHA MARC RAVALOMANANA

Nankasitraka ireo nanome fanampiana ho an'ny any Farafangana

Tontosa ny faran'ny herinandro teo ny hetsika tao amin'ny Kianjan'ny Finoana Behoririka, nentina nanaovana tolotanana ho an'ireo Madagascar traboina vokatry ny haintrano tany Farafangana faritra Atsimo Atsinanana. Tonga maro ireo mpikatoka avy amin'ny Rodoben'ny Mpanohitra ho an'ny Demokrasia eto Madagasikara RMDM tonga nandritra izany, izay nahitana solontena avy any amin'ny faritra maro manerana Ny Nosy, maro koa ireo olon-tsotra nitondra izay voatsirambin'ny tanany. Manoloana izany dia nisy ny fanambarana nataon'ny filohan'ny RMDM Marc Ravalomanana, nandritra ny fivorianana nataon'ireo mpikambana tao amin'ny foiben-toeran'ny antoko TIM tao Bel'Air Ampandrana. Nisaotra sy nankasitra



Ireto nanao tolo-tanana teny amin'ny kianjan'ny Finoana Behoririka ny sabotsy teo.

Mpiaro ny zon'ny mpanjifa sy ny olom-pirenena

Tsy hihemotra amin'ny diabe ho eny amin'ny 13 mey rahampitso

Manoloana ny fiakaran'ny vidim-piainana tsy misy farany, ny olana samy hafa izay iainan'ny vahoaka Malagasy ankehitriny toy ny tsy fahampian'ny rano ihany koa, nampiaka-peo ireo mapiro ny zon'ny mpanjifa, fa tsy zaka intsony ny fahasahiranana mahazo ny mponina. Hidina an-dalambe ny Mpiaro ny Zon' ny

Mpanjifa sy ny Olompirenenia tsy ankanavaka, noho izany rahampitso Zoma 10 desambra 2021, izay andro iraisam-pirenena momba ny zon'olombelona ihany koa. Noho ny tsy fisian'ny kianjan'ny demokrasia ahafahana maneho hevitra, dia nangataka ny kianjan'ny 13 mey Analakely izy ireo. Marihina fa efa nampaha-

fantarina ny sehatra iraisam-pirenena izao hetsika izao, izay naterina teny Andraharo misy ny Biraon'ny Firenena Mikambana eto amintsika ny taratasy mikasika izany. Raha ny vaovao farany dia tsy nanome alalana izao hetsika izao ny Préfet de Police Antananarivo. Na izany na tsy izany, nanambara ireo

mpikarakara fa tsy hihemotra, fa hanatanteraka io Diabe io ihany rahampitso, satria zon'ny olompirenenia hoy izy ireo ny maneho hevitra am-pilaminana sy ankalahana. Zon'ny olompirenenia ny haina tsy amin'ahiahy, fa hisitraka ireo filana fototra amin'ny fainana andavanandro toy ny rano, vidimpainana zakan'ny fahefamividy, ka ny vondrom-bahoakam-paritra sy ny fitondrana no hanome sy handamina izany araka ny tokony ho izy. Tsy voahaja anefa izany amin'izao fotoana. Marihina fa loha-hevitry ny andro iraisam-pirenena momba ny zon'olombelona amin'ity taona ity ny hoe: "Hahena ny tsy fitoviana, mba hampiroboroboana ny zon'ny olompirenenia". Hanatanteraka izao Diabe momba ny zon'olombelona izao rahampitso: ireo Mpiaro ny Zon'ny Mpanjifa, ireo avy amin'ny Fiarahamonim-pirenena ary ny olompirenenia tsy ankanavaka.

Niaina



Ireto avy amin'ny Mpiaro ny Zon'ny Mpanjifa.

CUA sy mpanolotsaina

Hisy raharaha hiakatra fitsarana indray rahampitso zoma

Hisy raharaha hiakatra fitsarana indray rahampitso zoma ao anivon'ny kaominina Antananarivo Renivohitra (CUA). Raha-mahakasika ireo mpanolotsaina indray izy ity. Hiakatra fitsarana indray ny raharaha mahakasika ireo mpanolotsaina sy ny filion'ny filankevity ny ta-

nana ny Zoma 10 desambra ho avy izao amin'ny 9 ora maraina eny amin'ny Tribonaly Anosy. Amin'ity indray mitoraka ity, dia fitoriania nataon'ireo mpanolotsain'ny tanana ny Filohan'ny filankevity ny tanana (PCM), noho ny tsy nampidirana anaty lahadinika izay fangatahan'ny

maro an'isa indray no nafatonga izany. Hita taratra ny tsy fahazakan'ny Ben'ny tanana vazahabe, Naina Andriantsitohaina sy ny PCM Guy Amdriamparany Ralitera, ny tsy fitoviam-pijery politika, tsy mahazaka fanakianana, tsy mahazaka demokrasia izy ireo.

Stefy



Ireto mpanolotsaina TIM notorian'i Vazahabe farany teo.

Ny Valosoa sy fakafaka

Fainana andavanandro Zon'ny vahoaka ny maneho hevitra: hatraiza ny fahalalahana ?

Hapetraka eo ambony latabatra indray ny demokrasia, hiaraha-mahita ny niafarany sy ny hiafarany, ny anaovan'iao fitondrana Rajoelina izao azy. Raham-pitso zoma dia nanizingizina ny avy amin'ny fikambanana miaro ny zon'ny mpanjifa fa hidina andalambe, fa tsy zaka intsony izao fidangan'ny vidimpainana izao. Efa nangataka alalana tamin'ny prefet-n'Antananarivo izy ireo ny amin'izany ary hidina ihany na mahazo izany na tsia. Olom-pirenena tsy mahalefitra intsony ny manjo azy eo amin'ny fainana andavanandro, ka maneho ny heviny, ary zony izany. Ho hajain'ny mpitondra manam-pahefana ve anefa izany zony izany? Fototry ny demokrasia anefa ny fahafahana miteny sy maneho hevitra eny ankalamajana. Raha voarara io hetsika io, dia ilay fototry ny demokrasia mihitsy indray no voahosihosy tanteraka. Koa raha mihambo hiteny ny mpitondra fa misy demokrasia eto, dia demokrasia tsy misy fototra izany no misy, ary mpitondra tsy vonona hihaino ny fitarainam-bahoaka sahirana mafy aravivelomana andavanandro. Tsy hahasoa ny firenena velively izany.

Iarahan'ny sarambabem-bahoaka miaina isan'andro vaky izao ny fidangan'ny vidimpainana ary mihari-tratra fotsiny sisa ny vahoaka, kanefa efa mila tsy hotantiny intsony izany amin'izao fotoana izao. Ny zavatra ilainy rehetra andavanandro no misondrotra ny vidiny, ary tsy isalasalana fa mbola hitohy izany miditra amin'izao volon'andro fety izao, hatrany amin'ny taom-baovao. Izay misondro-bidy anefa tsy ahitana fihenany mazava intsony avy eo. Tsy misy afitsoka ny fitondrana manoloana izany, fa karazany mandrirarira fotsiny ihany amin'ny fanazavana sy fihetsika samihafa etsy sy eroa. Indraindray mody mitokana zavatra hiseoana amin'ny vahoaka, fa miasa ny fitondrana, kanefa ny tokanana amin'io tsy ilana filohan'ny Repoblika na minisitra fa ben'ny tanana dia efa ampy hahavita azy. Efa fanaon'ny fitondrana anefa ny manao toy izany hisehosehoana hanakonana ny tsy fahaiza-manao amin'ny fitantanam-pirenena, sy ny tsy fisian'ny fampandrosoana maika andrasan'ny vahoaka.

Radafy